



07.Maj 2019

UPA2019/178

**Najukkami sukkulinnik soorlu sikunik kaaginillu tunisassioartut unammillersinnaassusaat qaffassarniarlugu sukkunut akitsuutunik utertitsisarnermut aqqissuussinerup atuuteqqilernissaa eqquteqqullugu Naalackersuisut peqquneqarnissaannik Inatsisartut aalajangiiffigisassaattut siunnersuut. Utertitsisarnermut aqqissuussineq eqquteqqinneqassaaq ulloq 1. januaari 2020 aallarnerfigalugu.**

(Inatsisartunut ilaasortaq Aleqa Hammond, Nunatta Qitornai)

Inuiqatigiit inuussutissarsiuteqarnikkut nukittorsarneqarnissaat pisariaqartipparput pingaartumik inuussutissarsiortut namminersortut sapinngisarput tamaat oqilisaavigineqarnissaat pisariaqartinneqaaq.

Sukkulinnik tunisassiorpata imaluunniit aalisarnermi inuussutissarsiutit pineqarpata allarlunnarnilluunniit tunngaveqartumik inuussutissarsiuteqartuuppata akitsuutitigut iluaqutissaasinnaasutut siunnersuutit tikilluaqqunaqaat.

Taamaamat siunnersuut sukkumut akitsuutip utertittarsinnaaneranut siunnersuut ilassilluarparput. Siunnersuuteqarnermi inuiaqatigiit sukkutorpallaarnerinut, pualavallaalernermit imaluunniit inuiaqatigiit peqqinnerulernissaanut tunngatillugu siunnersuutaanngilaq, kisiannili inuussutissarsiortup sukkortalinnik tunisassioartut sukkumut akitsuutitigut utertitsivigineqartarnissaannut siunertaqarpoq. Inuiaqatigiit namminneq toqqagassaraat aaliangigassaralugulu sukkulinnik nerissanerlutik inuulluataaruteqassanersutilluunniit.

Akitsuutitigut annaasaqaataasinnaasut pillugit utimut nunatta karsiata annaasaqaatigisinnaasaat qanoq aningaasalersorneqassanersoq ilanngullugu naalackersuisunit qaqqinneqartoq isumaqarpugut ilanngullugu ataatsimiititaliamik aamma isumaliutersuutigineqarluarsinnaasoq. Soorunami oqaatigisinnaavarput inuussutissarsiortut namminersortut aningaasatigut isertitaqarnerulerpata inuiaqatigiit ataatsimut isigalugu pisuunnguallaatigissavaat tassuunalu inuiaqatigiit iluanaaruteqartillugit.

Siuliani sukkumut akitsuutip qaffanneratigut sukkulinnik tunisassiat peqqinnanngitsuunerata peqqutaanik aningaasalersugassat allat akitsuutitigut peqqinnanngitsutigut aallertarneq nutaaliaanngilaq, taamaattoq uani killormulaavanik taasariaqarpoq. Tamannali aamma oqallinneq allaqqinnaajuvoq, tunngavillu allaamat namminersortunut iluaqutissamik ujaasinerummat taparserparput.